




TIFFEN Color Control Patches

© The Tiffen Company 2007



82146
755
16

明詩紀事卷二十五

甲籤

袁華 二十四首

華字子英崑山人洪武初為蘇州訓導有耕學齋集

十二卷可傳集一卷

四庫總目明之初年作者林立華為諸家盛名所掩故

人與詩皆不甚著實則銜華佩實具有典型非後來

偽體所能及袁子英博學有奇才自幼以詩名縉紳

西湖竹枝集寒木客笑丹陽湖深姑惡飛皆膾炙語

間如三峯月寒木客笑丹陽湖深姑惡飛皆膾炙語


也又如銀杏樹陰不受暑薔薇花開猶早春可稱才

子矣蘇志子英少穎悟不羣讀書一二過輒記誦不忘

工詩尤長於樂府與顧阿瑛友善其家所藏書畫悉

經品題

月詩已存卷二十五



續吳先賢讚子英工為詩楊廉夫為樂府有所風刺
前代別為格惟引子英與同
水東日記袁子英晚年惟一子生申為縣吏坐累並
子英徙南京以卒詹孟舉挽詩曰吳門山水隔陳雷
魚雁依然得往來書後常思洞庭橘詩中人寄隴頭
梅但知抱道非貧病誰料生兒是禍胎老淚盡從枯
眼出西風遙洒鳳凰臺
田按子英鐵門弟子玉山遊客風華雖擅骨氣自道
吳人若高季迪吾不敢知自楊孟載以下豈容多讓
子英兼善品題書畫其題雲林生着色山水中宿為
青林生紫煙龍泓一道落飛泉卻如靈石山中宿為
說倪迂似米顛跋云向客張貞居澗阿言米南宮有
潔癖書畫俱小幅近代惟倪雲林頗似之米以顛名
余故以迂名倪今觀遺畫併及之余又檢玉笥生詩
有云良岳恩榮兩露荒平泉銷廢子孫忙久無人下
公庭拜賴有倪迂繼米狂倪迂之見於詩者當以二
詩為最先矣

宿白蓮寺桂子軒分韻得月字

幽負阿蘭若消遙謝城闕池迴白蓮風林墮青桂月語深玄

理釋心清妙香發道人澹無為悠然思超忽

松林高士圖

曾波蕩晴旭長松落清陰曳杖者誰子消遙散冲襟野芳發
幽香覽古動遐吟美人不可見相望楚江潯

侍御史王葆墓

有宋建皇極汴京鬱嵯峨仁化戾遐邇林林英傑多崑山雖
僻土土風粹而和明經擢高第踵節肩相摩御史鄉先生學
術正不頗五傳究始終備論計外訛粵在宣和間褻然中巍
科俄主麗水簿言事何委蛇說書輔春坊執法居諫坡從容
答時相直氣凌太阿范公在館下詰責如切磋卒為廊廟器
詞源若江河高第係隨程入室非操戈宋史書列傳耿耿名

不磨世變陵谷遷百年無幾何城南新漕里荆榛埋銅駝景
行世仰止高風激頽波門牆非有限樵牧安敢過再拜重興
感臨風動悲歌荒苔縈斷碣太息爲摩挲

北山寓興

北山之中春戴陽膏雨霖霖草木長谿蔬野蔌青戴土老饗
採擷充枯腸枸杞黃疑鞠菹熟萸蒿青點芹羹香步尋木雞
竹風冷手拾菌釘松露瀼蕨拳敷腴竹萌嫩韭本豐肥同芼
薑斃裙鵝掌俱退舍牛炙豚醢難擅場春光爛熳過三月靜
愛幽香生野芳寒具藤花甘勝肉涼餅蓼芽圓截肪槐葉光
浮素盃凍含桃花暎清尊涼石芥鼻觸氣辛烈金齏齒嚼聲
宮商不蒙朱門貴介錄獨許白屋幽人嘗物無定味貴適口

冰壺先生真欲狂李公萬羊數已定庾郎三韭貧何妨分羹
不均御者怒染指未食天倫戕驕奢淫佚古所戒口腹累人
良可傷山中之樂樂無央秋風又到尊鱸鄉菊黃橘綠黃蟹
紫桂酒新篘香滿觴菜園不愁羊蹋破便當爛醉眠糟床雖
然此腹久負我結交歲暮毋相忘

拜石壇

眉山三蘇宋儒宗長公矯矯人中龍南遷儋耳西赤壁文章
光燄超洪濛快哉之亭雪初霽領客登覽山川雄自云平生
不解飲胡乃一舉觥船空和詩寬限見真率鑿崖題石摩蒼
穹功名富貴一邱土斷碑殘素傳無窮吁嗟異物神所衛玉
山合璧俄相逢奎章博士丹邱翁江南放逐驚秋風見之卽

下米芾拜二顛癡絕將無同築壇山中加愛護樹以松桂連
椅桐兩窗雲戶溼寒翠朝闌暮檻開青紅白野御史龍頭客
青年獻賦蓬萊宮戲將禿穎寫螭匾斷釵折股流星虹只今
風塵暗河嶽王侯第宅皆蒿蓬牙籤玉軸映竹素好事獨傳
吳顧雍婁東宋珪鐵作畫字字玉屈蟠蚪蟲嗟哉昔人今已
矣慘澹故國風煙中如何二子復嗜古策勲儒墨收奇功我
來再拜重太息蒼蒼古雪吹長松登壇叫絕浮大白酒酣目
送孤飛鴻

顧瑛玉山名勝集仲瑛嘗於東城菴假山廢基得一
石上有蘇子瞻題識石理瑩潤類璧雖傍缺損然尚
奇甚博士柯敬仲見而奇之再拜題名而去字曰拜
石御史白野達兼善爲作古篆書之後仲瑛偶得子
瞻答維揚王忠玉提刑飲快哉亭帖與石上題識相
合仲瑛謂此石即忠玉家快哉亭物也特不知何以

至此仲瑛遂爲記其事倩朱伯盛刻之他石而與河
南陸仁汝南袁華各爲詩詠之

送印月潭歸穹窿山

春草徧南陌春潮流落紅美人婁水上一舸逐東風一舸向
何處言歸故山去雉鳴苦竹岡離情黯煙樹故山穹窿高插
空重湖倒浸金芙蓉縹緲寶樓林壑中晴嵐暖靄霏簾櫳三
年不蹋虎谿路夢禮大士青蓮宮風景既不殊山川宛如昨
爲問鴟夷舟何似支硎鶴安得相從訪二公醉躡丹梯倚寥
廓山崖乳竇蘭芷芳臨谿采蘋煩寄將相思引領天一方載
歌招隱爲報章重來握手成大笑楊柳花飛春筍長

送友人興化衛幕

六月入閩關榕陰夾道涼鷓鴣飛鳴苦竹岡一重一崦山蒼

蒼雲山蒼蒼馬前起南往莆田尚千里乾魚望祭武夷君考
亭肅謁朱夫子九仙委蛇海上來挾以烏石何巍哉黔黎久
沐常衮化野花自發閩王臺候吏立江滸小隊前負弩高城
屹屹擁儲胥大府潭潭列貔虎稅駕趨蓮幕考籍閱我師時
平簡書靜覽古遺賦詩端明古遺直夾際富著述子孫雖爲
庶遺跡猶可負亦有護法之善神竊弄威柄痛生民忠邪同
歸一坏士耿耿信史書奸臣送君莆田去興懷歌短歌登高
儻有賦馳寄莫蹉跎

文湖州墨竹蘇文忠公題其上

清貧太守石室翁渭川千畝藏胸中理間舐筆盤礴羸兔起
鶻落無留蹤兩梢晴葉各殊態揮灑位置分纖穠鍾峰隱居

撥鏡法氣韻生動將無同墨君一派來自東轆材當萃彭城
公平生知己最親厚走書嘲戲言春容陳州官舍示長舌談
笑化去當元豐烏乎二老不復作空瞻遺墨翻鸞龍

夜泊澱山湖有懷鏡崖先生

鼓楫淞上游落颿三泖洲對月耿不寐懷人殊未休征鴻唳
沙磧微風生枕樓澱山青一點龍氣落船頭

送于彥成歸越中

楓橋明積雪曉發剡溪舟獨鶴橫江去三山接海流綠尊傾
乳酒白髮映霜漚天姥雲門路曾同上番遊

重九秋江釣艇圖

我昔繫纜桑落洲好山無數當船頭大孤絕立小孤險江水

遠兼湖水流扁舟老叟釣斜日斷崖古木含清秋草堂撫卷
重感慨滿眼風塵懷舊游

岳季堅王叔明梧竹堂同集時季堅將歸黃鶴山

長日園池水竹陰臨深展席酒同斟花開薜蘿五月雪果熟
枇杷萬樹金衣覺山王稱曠達更憑顧陸寫蕭森獨憐黃鶴
歸耕者詩酒何時再盍簪

顧玉山新成釣月磯軒

荷篠行歌與世違鶴歸城郭是耶非種桃道士玄都觀汎月
仙人采石磯太野龍蛇方起陸青冥鴻鵠自高飛軒前一架
薔薇樹猶放疎花向落暉

林泉民爲張賦

鹿豕同游說野情一廬願受作編氓窮幽擬草愚谿記養拙
甘從甫里耕春澗蕨拳和露采秋林木耳帶霜烹淮南有客
歌招隱莫遣兒童識姓名

憶昨二首

交友如雲海內多豈因謗訕竟蹉跎未思張翰蓴鱸膾俄動
田橫薤露歌萬卷空留遺一子千金散盡買雙娥柳洲東畔
無情月還照芙蓉蘸碧波

湧金門外昔曾遊落日淒涼燕子樓紅粉不隨黃土化清歌
還爲彩雲留愁裏簾幙雞聲曉夢隔湖江雁影秋淚落神山
一坏土忍將麥飯洒松楸

小柳詞

明詩紀事卷二十五
六
半臂蘆花白中單杏子紅惱公何限思春水畫橋東

客吳興春日偶成

雙眉刷翠小紅娘斗酒梨花爲洗粧一曲纏頭不知數揚州
城內善和坊

柳塘春軒口占

快雨時晴暖向微小亭簾幙護春暉麴塵波動鳧雛出金縷
條長燕子歸

湖州竹枝詞

漚波春漲膩如油坐看青山船倒流桃花欲開杏花落打鼓
吹笛上杭州

口占

漠漠輕風雨乍收方塘水生不膠舟慈烏將子避人去返照
正在柳梢頭

西湖口占次顧仲瑛韻

乳燕初飛藕作花秋娘二八髻雙了臂鞦紅露珍珠絡疑是
錢塘舊內家

西湖竹枝辭

山上有水未還家日日望斷金犢車湖陰種得宜男草直待
郎歸始作花

雲林筠石春樹圖

樹影離離岸草青汀雲漠漠遠山橫輕舟明日松陵路逢著
仙人醉玉罌

徐達左

三首

達左字良夫吳縣人洪武初用薦為建甯訓導有耕

漁集

劉鳳續吳錄徐達左詩在張徐間亦相與善其與盧熊游鄧尉山也有鈕安仲文楊本景和王謙之常者各賦詩亦相埒田按元季吳中好客者稱崑山顧仲瑛無錫倪元鎮吳縣徐良夫鼎峙二百里間海內賢士大夫聞風景附一時高人勝流佚民遺老遷客寓公鎰衣黃冠與于斯文者靡不望三家以爲歸良夫輯二十年友朋往來之詩文爲金蘭集三卷梓於洪武乙卯歲久失傳宋牧仲撫吳謀重刻以元本不可得而止良夫裔孫友竹以其家藏鈔本重刻於乾隆庚辰元季明初罕見之作賴之以傳良夫當時爲風雅所歸可稱好事至今仲瑛元鎮人皆知之而良夫或不盡知也詩綜不錄良夫一篇豈非缺典余爲採掇其穎出者數篇以爲好事之勸云

復遊銅井山分韻得驛字

杖策循山阿峰迴溪路僻琴書左右隨舒懷渴泉石風吹落
梅英雪委古苔迹羣蜂採餘香來往若馳驛覽物際良辰幸
得陪三益

題秀野軒圖

春風十里翡翠屏玉遮對峙蛾眉青清泉白石雜花竹天放
畫圖鍾地靈高人開軒當此景酌酒賦詩白日靜四檐風作
翠濤聲八窗簾捲晴霞影我亦托迹耕漁間結屋讀書湖上
山抱琴訪子從茲始布韞青鞋相往還

次韻

悠悠雲水客共喜出塵氛黃卷知君醉清風許我分閉門聽
過雨倚杖看浮雲大雅遺音遠長歌屈宋文

蘇雨周南 四首

明詩紀事卷二十一

凡

南一名南老字正道吳人元季江浙行省照磨明初

徵詣太常議禮禮成發臨安居任放還有姑蘇雜詠

拙逸齋稿

西湖竹枝集周正道才性清贍刻意讀書所交皆一

田按明初高季迪有姑蘇雜詠陸子餘跋季迪詩後謂正

道於季迪頗肆詆訾可謂不自量然正道嘗與楊鐵

崖倪元鎮諸人遊禮遇特厚凡燕室柱礎之間先洗

滌然後投刺正道鎮常主其家為著作色山水李竹

懶常見之詫為雲嵐霞靄尤極鮮麗所寫松皆枯毫

渴筆就意為之而天趣溢出一道題云雲林小景著

色者甚少嘗客寒齋間作一二觀其繪染深得古法

殊不易也元鎮畫江南人家以有無為清俗若著色

山水尤百不得一二也正道詩牧齋評為庸劣詆訾

過甚余甄錄數詩亦殊不墮惡趣也

香水溪

吳宮香水溪俗傳脂粉塘煖波浮漲膩晴渚泛紅芳美人曾

此浴魂消水猶香可憐清冷泉照此妖冶粧只今開寶林曹

溪源更長

吳宮怨一章錄似良夫

闔閭城上春冥冥館娃宮闕飛雲費翠簾籠陰白日靜雕欄

卧雨蒼苔生鳴夷一去誰能逐吳娃猶唱吳宮曲爭如事主

不盡年于今夜夜嘯燈前

暮春有感寄良夫

竹抽新筍過苔牆濃綠陰陰暗柳塘應恨東風最狼藉吹殘

春色惱人腸

西湖竹枝詞

採菱女兒新樣妝瓜皮船小水中央郎心只如菱刺短妾情
謾比藕絲長

林大同一首

大同字逢吉常熟人洪武中為開封訓導有文集九

卷

石室

虛巖宛如室空洞神僊宅既非巨靈剖何勞五丁鑿閉門鎖
薜蘿寒煙縈翠幕疑通少室山或與紅塵隔具瞻同廣厦生
民誠可託大庇安如山何愁風雨作

殷奎 五首

奎字孝章一字孝伯崑山人洪武初以薦除咸陽教

諭門人私謚文懿先生有強齋集十卷

四庫總目元明之間承先儒篤實之餘風乘開國渾樸
之初運宋末江湖積習門戶流波漸除已盡故發為
文章雖不以華美為工而詞翰爾雅亦頗有經籍之
光如殷奎等在當時不以詞翰名而行矩言規學有
根柢要不失為儒者之言視後來雕章繪句乃有逕
庭之別矣奎文章精審有法尤深於性理勤於纂述
姑蘇志殷奎文章精審有法尤深於性理勤於纂述
所著有道學統緒圖家祭儀崑山志咸陽志關中名
勝集陝西圖經叢書將授郡縣職母老請近地忤
旨除咸陽教諭其高也王常宗贈以序高季迪秦
文仲方明敏袁子英各贈詩季迪詩云獨抱遺經
出董帷秋風雁雲低秦壘角牛羊草沒漢陵碑宦遊
為一縣師鴻雁雲低秦壘角牛羊草沒漢陵碑宦遊
兼得觀形勝莫向尊前嘆別離文仲詩云西上長安
跋涉勞三千里外朔風號地連渭水秦川近山接終
南太華高故國總消龍虎氣斷碑猶打駱駝膏一官
莫笑儒林選會捧琅函觀赭袍明敏詩云博士才名

成老翁又隨聲教向關中百年禮樂亦重見萬國車
書嘉會同泰華雲開仙掌出昆明水冷劫灰空他時
太史瞻星起草地應說奎光聚井東子英詩云聖代崇文
化賢良起草萊鳳鳴谷日魚躍禹門雷匠石無遺
棄洪纖在翦裁咸陽秦赤縣博士楚宏材詔別嗟吾
老橫經羨子才渡江淮浦迴潁蔡河開紅樹迎官
舫黃華映酒盃紀行應俊覽古定徘徊陸由梁
苑馮虛自吹臺汲京城吸吸良岳石魏魏踟月車鳴
鐸嘶風騎卷埃吳音倉父訝儒服虜人猜應為青山
住知懸白日隕解鞍依近郭縱馬斷枯荻風急狂狐
嘯天高鴻雁哀詩情秋共澹鄉夢曉同催喜見烽煙
息愁聽驛鼓隨虎牢悲戰骨縱嶺覓仙胎岳仰嵩高
峙河看砥柱栽山猶鞏固風物亦奇侅雞唱函關
啟龍飛太華來碑亭矜漢好浴殿弔唐灾多士爭先
逐諸生獲後陪獻苴實豆舍茶酒崇壘五傳遺經
在三餘萬卷該尊王明大義抑伯黜渠魁寒榻泉比
設朝盤苜蓿堆樹萱思奉母援桂念提孩有弟能調
膳何郵不寄梅五陵還突兀八水自縈迴選勝節扶
手遐觀笏拄頰壞基留宿草斷礎長荒苔異域多佳
處茲遊實壯哉丈夫四海志肯使寸心摧孝章曾與
顧阿瑛玉山雅集西遊覽古諸作情韻不匱亦是琅
琅雅音

渭陵

炎精八葉已中衰千載荒陵竟屬誰寢殿有垣悲躑躅苑門
無地覓眾愚祥開沙麓溝中絕禍變增塤土未夷颯颯涼風
吹客鬢不堪興感立多時

長陵曉望

馬上東風生曉寒長陵高處望長安邱墟散落人才盡阿隴
分崩王氣殘歲祀幾朝修典制月遊無廟著衣冠山河百戰
誰能主卻屬漁翁一釣竿

顧仲瑛淡香亭

淡香亭外花無數盡說清明似洛中西郭愛看千樹雪東關
生怕五更風何郎酒怯春羅薄荀令香薰霧縠空吹遍內園

天上曲坐深清夜月朦朧

打碑 二首

沁州碑石漢陵旁地下玄龜殼也藏莫怪摩挲成久立書家知是郭謙光

流碑亭石何年破立馬鐫名幾字存契苾墳前崖子上家雞筆法尙堪論

呂旭 二首

旭字德昭歛人洪武初舉明經授本府訓導遷延長教諭有東籬吟稿

題休邑程士原率濱亭

仙翁亭子今何在肯構憐君復舊樵晴日漾波鳧對浴涼風

吹樹鳥相呼溪毛落雨青絲長石髮凝煙翠錦鋪緩策何時從幽討郵筒莫惜杖頭沽

卽事

怪柳類人懸怒瘦好花笑客逞矯容小橋路轉清溪曲水滿山槽確自春

朱昇 一首

昇字彥升無錫人洪武初舉明經任本縣訓導遷上虞教諭

送人之安陸從軍

失意就戎行山行去路長野雲低古郢梅雨暗清湘孤劍流飛電雙旌捲夕陽軍門發慷慨不是歎離鄉

周启 一首

启字公明吉安人洪武初以薦爲訓導有溪園集

琴清軒

橋西樂幽遜虛室絕瀟灑有美軒中人抱冲志玄雅朱絃紐
枯桐一曲美清夜風泉響初定竹露浩如瀉鶴唳碧雲端鸞
吟秋月下古來山水操孰是知音者

陳燧 一首

燧字民初永嘉人元末福建行省員外郎明初授廣

州訓導

別景大

力疾微吟首藉盤忽聞君已駕征鞍江湖千里去來易故舊

一樽離別難荒草馬蹏山色遠古藤松館暮陰寒錢塘風物
歸吟稿須寄山翁洗眼看

蕭岐 一首

岐字尙仁泰和人明初以賢良徵爲潭府左長史固
辭謫楚雄教授改平涼訓導有正固先生集

樵舍

樵舍臨江滸人家水遠隄葦籬通徑小茅屋接檐低稅重魚
難得情深酒自携維舟風色好留滯夕陽西

李唐 一首

唐字士宏東陽人明初金華教授有靜學齋尙綱齋

集

簡友

一上吳甯百尺臺畫溪翠峴繡如堆庭虛只放鬆風度簾靜不妨花日來林鳥近窺黃卷語野航輕載白雲迴歸轅儻與山人共紅葉秋深正掩茗

何彥修

一首

彥修名勛以字行新喻人洪武初國子監生授東萊

教官

題喻元凱清隱堂

秀水東邊結構幽林巒瀟灑勝滄洲花晨簾捲青山曙月夕琴橫碧澗秋賀監每懷湖曲隱杜陵常愛羨陂遊交情獨負過從約開卷題詩愧白頭

陳謨

一首

謨字秉文上虞人洪武中鎮江教官

魏仲遠竹深軒

竹近疑居僻林深覺路賒撲簾蒼雪墜排戶碧雲遮雨過琅玕潤風翻翡翠斜秋深喧鳥雀月色動龍蛇每挂仙人杖頻留逸士車主人今不見令我起長嗟

夏睦

一首

睦字孚中上虞人洪武中上虞訓導

賦夏蓋湖送薛將軍

大禹峰前蓋湖水三十六溝春正深桃花逐浪漲晴碧楊柳拂隄生晝陰臨流飲馬壯士志坐石觀魚幽客心不堪歸棹

入城府迴首暮雲凝碧岑

張庸 一首

庸字熙載江陰人洪武中舉明經授本縣訓導

秋水繫舟圖

小姑山到彭郎磯老樹含風霜葉飛何人泊舟秋色裏釣得鱸魚三尺肥

俞韶美 一首

韶美字樵雲休甯人洪武中舉明經授黟縣訓導

和李大尹韻

積雨瀰漫漲遠天客窗惟覺恨綿綿已添野色供春望更漲灘聲攪夜眠繞屋斷雲常黯黯投林歸鳥自翩翩漁郎罷釣

纔相過為報新潮到石田

王嘏 一首

嘏字伯純揚州人松江府學訓導

寄倪元鎮

赤水丹山隔兩塵麻姑書信莫辭頻久知鴻寶飛騰術獨許青雲磊落人賓戲能消春晝永茗香聊試石泉新東風回首毘陵道重擬攜書與卜隣

周所立 一首

所立字磐谷臨江人仕陳友諒洪武中官臨江教授

朱孟震續玉筍詩談鄱湖之戰資治通紀等書皆以為郭興建火攻之策遂獲全勝偶觀他載記謂偽漢助者予初不謂然及觀鄉先達周所立先生康浪山

明言新事卷二十一
歌始知聖明之興固天所命大風揚沙實基漢業千
載而下異事同符固不誣也歌云敵常脂韋張毒氛
北風反火輒自焚焦頭爛額沈波裏奄忽灰飛水上
軍周先生國初人所聞當不謬也
葉廷珩鷗波漁話虞山許伯緘丈廷誥出示舊作康
浪山三十六忠廟調寄六州歌頭一闕詞後附記云
廟在今饒州府餘干縣鄱陽湖濱廟庭立明初二
碑甚穴長無紀律然敘鄱湖之戰視他書較詳其畧
曰歲在某某次帝自將伐友諒友諒傾軍迎敵陳鄱陽
湖乘風縱火漲天領軍丁普飛郎以下三十五人突
戰被焚死帝嘗跳岸為敵所窺飛矢如雨徐常應亦
身矢著於樹者無算僅免夜半乃反風徐常應亦
至復戰友仁友貴偕斃友諒欲退保鞋山至嚳子口
中流矢死論功贈三十一人皆將軍立廟康郎山槐
亦授大將軍號云按明史太祖本紀未言友諒先縱
火及帝跳岸蔽樹事蓋實錄諱言兵敗故史亦略之
緘翁所述廟碑可補史文之闕
田按所立廟碑曾官教授竹垞列入外臣義似未安
余改列於通仕籍之次與詹同文等立康浪一歌足
大小也朱秉器詩話述鄱陽之戰所立康浪一歌足
補史闕余補錄鷗波漁話佐證益明

哭定住

綠錦池頭舊史君近傳消息不堪聞的盧竟死檀溪險鸚鵡
翻成鄂土墳蒿葉蕭條生夜月棠陰迢遞起秋雲陳琳老大
頭如雪無復軍前草檄文

林伯璟一首


伯璟字懷之閩縣人洪武中鄉貢為郡學訓導有友

漁集

為張文初題畫贈洽公

禪翁安禪不出山畫史為畫山中閒寒月高懸碧蘿幌曉雲
深護青松關寶地樂聲聞澗底梵天香氣識林端定回幽壑
猿叫斷食邊絕嘯鳥飛還蓋頭把茆亦自好棲身十笏何其

煩貫休能詩誇宇內文暢得序傳人間新圖摩挲重歎息舊
徑髣髴窮躋攀聽師揮塵說善果使我拂衷辭塵寰



明詩紀事卷二十六

貴陽陳田輯

田

張著二十一首

著字則明浙江平陽人徙居常熟洪武庚戌舉人授
膚施知縣遷臨江同知有永嘉集十二卷

田按列朝詩集明詩綜稱則明永嘉人余藏永嘉集
十二卷首有廬陵周桀永嘉先生傳云則明自號永
嘉子人稱永嘉先生世居溫之平陽至正間遊學至
姑蘇之琴川兵梗弗克歸遂占籍焉牧齋竹垞蓋未
見斯集故誤稱永嘉人也則明知膚施以吏事見稱
公暇與同年金文徵黃廷玉唱和有長安唱和詩集
流播於時永嘉一集雅健麗則諸體並工亦明初詩
家罕見之笈也

三川水漲金別駕用老杜韻題壁間余續其後

三川險隘地咫尺分水陸昔聞漲波濤奔騰來百谷杜陵野
老翁適見駭心目坐看吞兩崖形勢益窮蹙居民徙窟巢川
脈失委曲彭撞動雲根大石亂顛踣路沒隔農樵林暝竄鹿
鹿瀕匯何深雄下流乃壅塞疏鑿無由施東趨苦不速巨浸
竟崇朝清源變污瀆雷雨仍晦暝天地豈翻覆蛟龍相怒爭
觸嚙角尾禿穹祇胡忘玩弗卽幹關軸黔黎雜蛙黽不得安
食宿翁時厄途窮遭此吞聲哭陽光未發舒陰翳正含蓄水
怪挾天吳鼓舞恣驕黷巨靈那有神是物盡拘束鍊石補漏
天立極斷鰲足寔區遂底甯舟馭罔踣踣誰知一氣機周運
有盈縮只今川水消曾不及牛腹我歌少陵詩思渺青冥鵠

過緱市

神仙王子晉昔師浮邱公揮劍斷親愛化形辭後宮金丹換
毛骨直上蓬萊峯一去苟泯迹無乃與死同所以騎白鶴歸
集緱山東家人下盈矚吹笙五雲中迢迢千載後令人仰高
風我行經故墟感慨追遺蹤空餘埋劍冢石刻摧蒿蓬碧桃
如可醉脫屣遂相從

與李克敏陸子善分題雪井

乾元古僊宮迥出虞山半旭日開玄門飛霞集樓觀中有寒
碧磴下浸雲根斷寒泉出太陰轆轤轉雲漢時聞百尺聲徧
沃衆眞盟伊昔徐神翁始結猿鶴伴卓劍呼六丁鑿此石崖
畔翁乘白雲去千載付清翫至今潔不食使我發浩嘆乞君
馬上瓢急濟東海旱

繆使君之嘉興貳守賦去思詩分題得仙姑洞

六鼇頓輿海神泣
虞山崧兀海西立
六丁鑿翠深玲瓏
三十六天通出入
冰簾壓雲蒼玉扉
瑤階夜溼青琉璃
洞房背立玉窈窕
東風吹冷芙蓉衣
崑崙月落蓬萊曉
金雞夢斷西飛鳥
桃花一夜滿天台
劉郎不歸春悄悄
五雲閣西十二樓
遠山翠結天上愁
美人娟娟何處所
白蘋歌斷南湖洲
相思相見苦不早
白石如糜天地老

送碧泉石道士住持吳興玄妙觀

太湖三萬六千頃
湖陰倒浸羣山影
何人冥坐水晶宮
日對湖山適酣詠
風流別駕如神仙
樓居縹緲凌紫煙
海虞仙侶惜別久
思往見之心悁悁
山人苦留不肯住
鶴背吹笙過湖

去霞衣光曳五色雲
綸巾倒挂三花樹
侯亦念君久不來
琳宮瑤席為君開
相逢一笑清虛境
回首海上無蓬萊
我今攀隨不可得
酒醒山空重相憶
明年三月定尋君
洞口桃花春一色

龍山歌送卜子敬之無錫幕長

九龍之山青如藍
羣峯卓絕天西南
十年秀色煙塵裏
丹崖翠壁空峩巖
山中煮茶舊仙客
茶煙久冷松下石
雲根野火焚斷碑
誰埽蒼苔覓陳迹
第二泉頭亭不孤
亭上李紳讀書之
故廬松蘿煙雨翳
巖戶林扉陰磴今
有無城門西路平
如掌青鞋布韞足
來往盡收邱壑入
胸中更挹朝來氣
蕭爽芙蓉幕下肯
事閒吳松素練開
秋寒丹青點染分
毫末為我貌

出諸林巒西巒著高東巒小樓閣參差出林杪隔溪寫君吏
隱居相對茆堂青未了畫成好寄滄江濱使我見圖如見君
日日爲君歌白雲

江南曲

江南三月春水長葡萄潑醅春正香畫船載酒看春去船頭
驚起雙鴛鴦鴛鴦雙飛過江去江花如雪接江樹吳姬歌斷
望欲迷不知今夜棲何處夜深酒醒江月寒憶君西塞何當
還春眉淡畫江南山

奉和金別駕見寄韻

谷口歸耕去吾慚鄭子真天涯愁獨客年老惜餘春塵土青
衫舊雲沙白髮新多情金別駕應是可憐人

次李克敏節判見寄韻

我識淮南李謫仙亂離相憶又經年樓船夜夢橫江去草閣
春寒聽雨眠看鏡自應悲白髮把杯誰與問青天多情昨夜
傳消息許寄新詩一百篇

次韻送彭貳令

三月祁連山下路客愁暫破少人知草經夜雨迴芽短花苦
春寒着蕊遲銀甕絡絲誰送酒玉箋揮墨自題詩相從不久
還相別明日思君意轉悲

呈李別駕

天門丹詔頒新澤同下襄陽取道來西北關山秦塞遠東南
煙浪楚帆開秋風白髮烏紗帽九日黃花綠酒杯此別憶君

滄海上五雲樓閣倚蓬萊

題陸子善所藏畫

千章綠樹濃欲暝萬壑頽雲溼不流昨夜溪南春雨過桃花
無處覓漁舟

題折枝竹

鳳尾蕭蕭野露涼天風吹影落瀟湘玉簫聲斷秋如洗自掃
閑雲過石床

題陸子善便面

蹇驢策策逐金鞍夾道松陰白日寒誰向鞦韆川煙雨外盡將
情思寫霜紈

題挾彈圖

錦袍白馬照青莎手撚金丸意若何莫把流鶯驚起去江南
春樹苦無多

春江回棹送淞江宣使鄧和卿

飛花冉冉柳毵毵歌斷沙頭酒半酣明日倚篷煙雨外青山
多在淞江南

出延安南關

向年躍馬入南關策策羸驂此日還行過江南莫回首塞雲
深處萬重山

甘泉縣

甘泉道傍客舍低甘泉城下行人稀蹇驢華髮烏延客獨在
江南最後歸

過渭河

西來鳥鼠出咸陽東入黃河去渺茫流盡秦宮脂水氣餘波
猶蕩野鴛鴦

過鵝嶺關

緱氏山東擁翠屏石門天削倚蒼冥崧陽明日重回首三十
六峯雲外青

發南康

五老峯前宿雨晴青天影落碧波明孤帆趁得西風便自在
江山畫裏行

陳伯康 八首

伯康字仲進長樂人洪武中授宜陽丞改韓城遷江

山知縣有南雅集

田按仲進知江山縣有循聲與弟仲完均以詩名仲進詩尤清勁

登三水釣鼇臺

高哉釣鼇臺築立幾百尺秋風一登臨浩蕩望不極吾聞蘇
老澗乃是任公匹投竿江海濱長嘯穹宇窄古篆今莓苔佳
句餘金石歲月驚逝波山川付陳迹牧童暮敲火樵子曉吹
笛杖藜重夷猶把酒緬疇昔商歌振雲林天空露華白

秋江送別圖

江河望在眼關山渺難越客子遲歸期孤櫂已先發天秋木
葉丹露夕芳草歇美人勞我思迢迢煙水澗

寄遞齋陳景明兼柬東園陳景獻

明言集卷二十六
六
君家古清友携共阿戎遊遠道隔千里別懷長九秋故交如
夢覺往事付雲浮最憶東園老相思成白頭

遊湧泉寺訪僧不值
萬石岡頭紫翠圍白雲流水護柴扉石爐火冷僧初定野徑
苔荒客到稀遶砌山泉浮澗澗隔江雲樹入霏微我來豈是
參禪者笑倚長松看鶴飛
秀州城下水平河桑繞長隄麥覆坡義士不聞傳構李居人
猶見食嘉禾且須鸚鵡杯中物莫逐鴛鴦湖上波一笑吳歛
挂帆去滿天風雪奈儂何

立夏喜晴

賸雨殘春送五更晴光入夏似相迎綠槐門巷南薰細又聽
新蟬第一聲

重過草亭

池上柳枝新種得絲絲金縷曳春暉樂天老去風流減懶看
飛花上舞衣

過洛陽

甲馬營中紫氣消銅駝巷陌草蕭蕭何人共看天津月杜宇
無聲夜寂寥

劉駟一首

駟字宗道龍谿人洪武十五年以秀才徵試第一拜
都御史後坐事徙滇有愛禮先生集十卷

梁章鉅東南嶠外詩話劉宗道自號悔忤子愛禮集中有澄心一絕云一鑑方塘本自明無端潢潦聽縱橫日來惟賴投壘力坐見寒光徹底清置之南宋諸儒集中幾無以辨

題雲林遊逸圖

雲兮深深林兮陰陰彼君子兮以遊以吟坐以澄心行以攜琴誰與談兮傷古嗟今

鄭沂一首

沂字叔魯浦江人洪武末以人材徵授禮部尙書

題畫圖

杜陵西上浣花莊茅屋低低怪石傍最是可人三月節一山風雨茯苓香

李勝原一首

勝原字源澤當塗人有盤谷遺稿

田按盤谷稿著錄於明史藝文志罕見傳本余從曹石倉歷代詩選錄詩一首如隔竹聞飛瀑隨風看落花野色帶煙迷雁渚櫓聲搖月出龍灣亦佳句也

寶應卽景

宿鷺眠鷗水滿田敗荷疏柳雨晴天帘招村市誰家酒風送帆檣何處船隔岸數聲牛背笛斜陽一秣渡頭煙滄洲風景那須畫著我居閒樂事便

王時保一首

時保字雪軒樂安人洪武中以薦歷刑部主事謫雲

南尋召還除本縣教諭有天涯芳草集

湖口縣

明言系事卷二十六
九
青山一簇幾人家，簾捲湖光日未斜。好是客船來泊處，一行官柳暗平沙。

鄒說一首

王說字習之新淦人有竹莊集

田按習之詩見查夏重西江志不詳其出處有和曾得之侍郎喜雨詩蓋明初人也詩格老成選家均未

之錄亟補之
達何思恭歸高安

憶昔州城繁盛日，雕楹繡戶絢金碧。買地爭移洛苑花，分貲更致平泉石。青春冠蓋會雲萍，搥鐘考鼓紛相迎。豪士居間推郭解，貴遊虛左禮侯嬴。芳年意氣稱賢掾，千金一諾同高。宴醉後從教吐錦茵，詩成乞與題歌扇。風塵回首豈堪論，臺

沒池湮不復存，抔土何曾收俠骨。一尊誰與酬英魂，廿載關幾人在逆旅。重逢增感慨，夜雨偏令白髮生。秋風解使朱顏改，明朝買棹湄湘濱。布衣歸卧錦江雲，為言莫狎煙波客。恐有羊裘垂釣人。

富禮二首

禮洪武中廣西按察僉事

藤江諸勝二首

峽口漲晴嵐，秀色渥如赭。天寒山鳥啼，月白林猿下。仙人讀書臺，石磴哀湍瀉。

江流島嶼孤，亭亭聳高髻。螺堆晚煙濃，翠滑春雲細。徘徊顧清影，澄江去無際。

明詩紀事卷二十七

貴陽陳田輯

甲

劉瓚 七首

瓚字孟藻青田人誠意伯基子洪武中授考功監丞

試監察御史出為江西參政為胡惟庸所脅墮井死

有自怡集一卷

四庫總目劉瓚自怡集五言古體詞旨高雅運思深摯

殆於駕兩宋而上文以繼犁眉諸集可謂不愧其父

而明人罕稱道之者殆轉以勳閣掩歟王謝家兒仲

田按潛溪有仲瓚犁眉有孟藻真不愧王謝家兒仲

遣興 三首

綠鳧水中遊白鶴雲間飛霄漢有修程焉能顧卑微浩蕩展
羽翰崑邱以爲期鵬鷲趨下風尉羅絕張施倏忽萬里餘摧
顏不知歸空林有故巢繁霜日霏霏孤雌哺黃口啁晰將疇
依豈如戲蘋藻雙栖在漣漪
希仙屏紛雜遺榮處幽閑靈竚固重局鼎爐合神丹灑露以
爲漿青松以爲餐道積時亦久丰姿變蒼顏竚功一朝成飄
然出塵寰螭龍將輅車鸞鶴承珮環傲睨太霞表望望不可
攀仙山有眞藥何用思人間

食肉有不甘茹茶乃如薺馴馬抱隱憂韋布顏無泚寸丹旣
融通萬里諒昭洗衰榮各有定何必榮爾爾挑燈讀我書文
字浩無涖白首窮經得祿未足喜捨已以從人圍廬任荆
杞憂思不成眠歎息增徒倚

秋日旅懷

秋氣生白虹秋聲入高樹離離星漢明杳杳孤鳥度夜坐不
覺久逍遙散余步鬢毛動淒風羅裳怯零露寒陰日已浸芳
歲聿云暮瞻言思我鄉誰與將尺素

白楊河

白楊河下春水碧白楊河邊多估客東風二月柳條新卻念
行人千里隔岸上居人纔數家茅茨深處見桃花小婦河邊
汲新水老翁門外看雛鴉桑苗未青麥苗綠牛羊散落村墟
牧行客年年任往來居人自住楊河曲

自武林至丁郭舟中雜興

重到昔遊地茫然感去途高原深蔓草沃野浸平湖水濶蛟
蚪橫出空鳥雀呼淒涼今古意落日片帆孤

錢塘遣懷

江風吹浪雨冥冥雲暗春山霧壓城箭鏃不隨錢氏化黍苗
還向宋陵生海門潮擊千年恨漁浦帆開萬里情昔日繁華
總殂謝蒼茫流水亂蛙鳴

郭鈺二首

鈺字景南濠人營國公英子

田按營國子孫最名風雅景南詩清迥絕俗紈綺中
乃有如此標致

對雨有懷方內翰

小齋頗幽僻窗扉亦宏敞新槐檐上綠細草階下長輕紈散

煩溽覃葛生清爽寂無人事喧但愛雨聲響涼颿蕭瑟動薄
靄生莽蒼緬思同心人吟懷共清賞

期胡祭酒不至

空齋坐日夕有懷期不來庭樹葉頻下閉門風自開朱絲靜
逸響綠蟻浮深杯幽思益填積悵然難獨裁

王澤六首

澤字叔潤天台人僑寓山陰洪武中官華亭縣丞有

青霞集

列朝詩集叔潤嘗為華亭縣丞全室泐公有送王叔
潤詩云平涼來又去官滿復之官則叔潤任平涼非

天淵閣松華亭

趙松雪八駿圖

趙家王孫擅好書更復畫馬如江都嘗從玉堂罷春直慣寫
天馬隨監奴馬來西宛龍八尺勢或怒驚如鵲立似疑初浴
滎河波身上龍紋五花溼王孫寫駿不寫形運思已入天機
精都將臨池古書法落筆一掃千人驚今逢此圖乃八疋老
我見之唯歎息人間駑馬漫紛紜天上龍文誰購得憶昨入
駿登瑤池崑崙萬里天西陲風行電邁景恍惚翠蕤不動天
王旗古來八駿雖已矣房星在天還不死雄姿伏櫪世豈無
胡乃惟稱穆天子

姑蘇感事二首

百二河山已失扃孤城獨戰血魂腥覆蕉鹿在甯非夢篝火
狐鳴竟不靈既與群雄爭帝鼎忍隨降虜到皇廷致身早得

歸麟閣應共長驅下建瓴

天星夜落水犀軍又見吳宮走鹿群睥睨金湯徒自固倉皇
玉石竟俱焚將軍只合田橫死國士甯無豫讓存風雨明年

寒食節麥孟誰上太妃墳

歸田詩話吳元年國兵圍姑蘇臨危張士誠聚其族
齊雲樓舉火焚之縊不死就擒王叔閏有詩哀之先
伯亦有絕句云虎門龍爭既不能雞鳴狗盜亦何曾
陳平韓信皆歸漢只欠彭城老范增蓋張氏據有浙
西富饒地而好養士凡不得志於前者爭趨附之
美官豐祿富貴赫然有為北樂府譏之云阜羅羅兒
緊札梢頭戴方帽穿領闊袖衫坐箇四人轎又是
張札王米蟲兒來到了及城破無一人死難者武夫
健將惟束手賣降而已詩意有所謂也
田按江南歲烽煙起海上年御酒來如此烽煙
如作也一夫懷抱幾時開芭蕉長過石闌干只消幾
箇曹騰醉看得春光到蘇丹此張光弼策張士誠必
敗而作也士誠滅後姑蘇感事之作叔潤二詩最爲

膾炙人口 杜東原耕餘錄 姜明叔墨餘錢 蔣一葵
堯山堂外紀 瞿宗吉歸田詩 城苑秋風 蔓草深華 都
青邨集 沈趙佗 空有稱尊 計城苑表 初無一 蘇州詩 云姑蘇
危樓俄從 火十年 高鳴 漫藏 金廢 興一 蘇州詩 云姑蘇
百下 垂楊 柳陰 劉青 田寫 情集 有過 蘇州詩 云姑蘇
臺猶 作管 絃聲 滿地 寒風 滿面 塵荒 煙白 草舊 通津
晏安 酌毒 俱亡 國可 但西 風解 誤人 虎邱 山聲 在碧
臙中 闔門 前動 地風 子烏 夜一 聲解 誤人 虎邱 山聲 在碧
雲蛟 成敗 由天 動地 風子 烏夜 一聲 解誤 人虎 邱山 聲在 碧
刺蛟 手也 學臨 春井 底知 烏江 一拔 劍更 何疑 誰言 碧海
窟交 鄰無 善道 西吳 郡第 一謝 了夷 著龜 巢何 疑誰 言碧 海
窟交 鄰無 善道 西吳 郡第 一謝 了夷 著龜 巢何 疑誰 言碧 海
瑟正 朔仍 奉漢 天恩 顧第 一謝 了夷 著龜 巢何 疑誰 言碧 海
積非 船奉 漢天 恩顧 第 一謝 了夷 著龜 巢何 疑誰 言碧 海
測臺 閣兩 重臣 忍為 臬第 一謝 了夷 著龜 巢何 疑誰 言碧 海
蹕愛 弟日 寵驕 開府 亦列 戟提 兵幾 百萬 勢熱 手可
災甲 第連 青雲 團圓 亦丹 碧瑤 池長 夜飲 天魔 舞傾
國帷 幄皆 面諛 忠鯁 卽擯 斥權 門競 豪奢 焚夫 務懷
壁淮 南舊 策穴 坐視 成棄 擲出 師理 侵疆 所向 獨堅
績鄰 兵賈 餘勇 一舉 數州 得羣 兇納 降去 斂戎 獨堅

壁奈何 圍數重 樓櫓比 如櫛 砲車 拂雲 漢晝 夜飛 霹
慮寵 弟既 蓋粉 左右 皆股 栗短 兵屢 相接 苗獠 與戮
力南 濠百 花洲 流血 水盡 赤閉 關甫 期月 人面 多菜
色蔬 茹猶 八珍 骸骨 爨下 析衆 叛已 不知 豕突 猶親
出前 徒忽 投戈 回騎 不數 匹一 衆齊 雲樓 夷亡 命起 倉
滅縛 虎送 臺城 咆哮 氣方 息嗟 哉爾 淮夷 斯理 信弗
狻衡 行十 五載 貴富 亦已 極雕 牆底 滅往 事流 傳過
忒胡 若思 姑蘇 詩云 蘇城 郭水 茫茫 往火 中繁 華終
客傷 夜月 人歌 蘇黃 榮葉 秋風 繞白 駒場 火一 繁華 終
歸真 主井 底蛙 猶笑 子陽 天車 書今 混一 繁華 終
古勝 維揚 又六 硯齋 三筆 有周 公謹 追悼 張氏 詩云
長淮 千里 陣雲 平萬 騎郊 原決 死生 不信 玉堂 春醉
醒倚 闌晴 日喚 流鶯 偃月 堂高 羸紫 煙夜 闌劉 三吾 姑
薰天 如何 斥地 連吳 楚葬 骨都 無半 壟田 劉三 吾姑
蘇卽 事詩 貝廷 据姑 蘇詩 別見 十二 卷六 卷

高宗所書絹素杜詩

江頭宮殿日遲遲 朝退千官默坐時 春盡龍沙無雁過 書縑只寫少陵詩

李太白小像

春殿龍香試綵毫詩成奪得錦龍袍歸來笑擁如花妓卧看
薔薇月上高

題畫

茂陵帝子好神仙別起高樓入半天望斷巢笙空外下海山
珠樹没秋煙

王旬一首

旬字子宣

宮詞

南風吹斷采蓮歌夜雨新添太液波水殿雲廊三十六不知
何處晚涼多 晚涼一作月明

七修類稿國初王旬作宮詞仁和元俞友仁見而
悅曰此其得意句遂以妹妻之此與宋趙德麟二十
八字詩句事意俱同也
靜志居詩話高季迪以詩得妻王子宣亦以詩得妻
子宣宮詞諸家多誤作王叔明詩考凌彥珩若主賓
有悼王叔明室張氏詩云結髮為夫婦齊眉若主賓
山同黃鶴隱書通彩鸞真蘭樹人皆羨蘋蘩爾獨親
情傷坦腹者臨穴重沾巾則叔明娶於張非俞也故
定以為子宣作

戈鎬二首

鎬字仲京鎮江人洪武初徵授禮部主事有鳳臺集
田按仲京詩濃縹中有清氣與專事塗澤者自別

淥水詞

紅船壓秋綠水澁藕根香昨夜龍沙月鴛鴦夢薄霜秋彎掃
蛾翠生色染絲黃為報潯陽客行雲不下堂

寄劉彥炳

征旆遙分苑路西馬蹏春去弋陽溪相思欲和鳥嘯曲一拂
瑤弦意總迷

俞貞木 六首

貞木初名楨以字行更字有立吳人洪武初以薦知

樂昌縣改都昌有立齋集

姑蘇志貞木為大清苦敦行古道作官務崇禮化有
古循吏風晚歲益勵清節或炊爨不繼未嘗有所干
請人尤難之郡守姚善延以訓子為鄉人所誣逮詣
京師卒
田按貞木有集朱竹垞嘗見之於王山人翊書齋後
訪之藏書家不復得余從席玕湖山靈秀集錄詩六
首風骨高秀超然埃壒之表正與雅道清標互相映
發

題畫二首

澄江積雨霽蒼茫澹秋色蒹葭映洲渚煙消水光白漁舟日
夕歸卻載幅巾客扣舷歌滄浪月上楚天碧

青山映嘉木煙光涵碧虛偶來憩石上綠陰落衣裾流水屢

曲折飛雲還卷舒凝望不可極佳趣與道俱

精舍包山精舍

精舍包山側緣崖曲路微到池雲弄影入戶月流輝煙靄青

蘿屋山圍白板扉松杉寒愈秀猿鳥靜相依境勝忻神適情

忘與世違莫為簪紱累期與爾同歸

十歲太常高先生與僕別久矣音問不通者餘三十年喜聞

太常還朝入翰林升太常身登青雲每垂念故舊觀其贈

孟敷之什眷眷而不相棄雅度如此可得乎孟敷俾

余次韻喜公之情懷意氣勉用韻以寫我心

太常列仙侶職優遂初心置身清切地思遠豁塵襟相違三十載媿我雪盈簪雲泥渺相望一升復一沈自憐老疾并昏眊非所任林卧咏太平時時自哦吟賴有同里士乘閒每過臨

送顏新民之京師

好雨初晴春水生江邊送客上神京沙鷗白白迎人去官柳青青拂棹輕離燭已殘猶惜別深杯欲盡若爲情此行若寄平安字並聽重沾雨露恩

題倪雲林畫

栖神山下玄元館華表巍然鶴未歸寂寂小亭人不見夕陽

雲影共依依

薛倫一首

倫字叔道如皋人洪武中舉賢良方正除萬安縣丞

有詩文集十卷

靜軒夜坐

寒路下高空夜氣森泱泱犬吠一村靜蟲鳴四壁響美人殊不來明月秋林上

朱熙一首

熙松江華亭人明初廣西行省郎中

松江府志朱熙以詩名爲玉峰顧仲瑛社長

玉山草堂

玉山主人清且妍標格傲傲人中仙對花時復得詩句愛客
每能揮酒錢寒燈巢雪歌煖響春水桃源放畫船我將載酒
卽相覓與爾醉倒薰風前

李伯震 一首

伯震德慶人靖江相質子洪武初舉懷才抱德科授
容縣知縣改知大興遷光祿寺丞有巢翠集

田按李文彬弟文昭子伯震皆能詩世稱三李伯震
月夜過湖云大姑羅襪江花綉五老香爐石鼎寒亦
佳句也

竹鳥小景

蒼龍垂雨影穆穆鳳尾參差溼翠嵐憶昔黃陵祠下路鳥啼
三月過湖南

徐濟 二首

濟字彥威吳人洪武中以薦知邵武府改興化降開
封同知有樂餘集

田按彥威徐良夫之姪自號樵蘇子好事亞於良夫
棄官後畜鶴二鹿一燕坐則鶴舞其前徐步則鹿從
其後人望之若仙然乾隆中覆刻良夫金蘭集并輯
其家世投贈之作爲金蘭續集彥威作亦附見焉詩
較良夫差工

拙齋

生平厭機巧一拙能獨守雲山屋西東桑柘屋前後略似愚

溪愚還同柳州柳

題秀野軒圖

千巖萬壑中一徑磻西通塵跡無由到風光自不同竹侵書

幌綠花映酒樽紅若問桃源路無須覓舊蹤

白題寫蘭

二十五年春夢殘對花無語獨凭欄幽香素豔無人管讀罷離騷強自看

吳昊一首

吳字彥欽天台人洪武庚戌舉人官朔州衛知事

田按彥欽桐柏一章係和徐大章作風格頗不相下惜詩不多見

桐柏

平生看山愛桐柏有山如此為名山九峯雙闕迢遞起秀色可掬煙霞間樓閣崔嵬迴相向桃花洞門深不關葛僊一住幾千載閱此日月雙轉環鶴背笙簫振寥廓遺音往往聞林

端西崖有井數百仞丹光靈彩浮朱陰昨夜長松發天籟似驚遺珮聲珊珊蓬萊咫尺原易到獨愁蹤迹迷榛菅此來暫欲須大藥服之駐我將衰顏山中羽客吾宗秀相與携手超塵寰竹房宴坐已半月笑歌頓覺忘憂艱手招喬盈非不好但恐泉石絲猶慳芝草琅玕隔雲圃小橋流水空潺湲摩讀古碑視往事章殘字缺苔斑斑臨風徙倚獨回首惟見絕壁青巔屹武陵從來憩漁釣曼倩自足追仙班他年雙成有消息吾其抱琴來往還

許敬軒一首

敬軒字南湖天台人洪武中貢入太學官汀州知府

回雁圖

數聲嘹唳落滄洲驚起瀟湘一片秋莫向城頭高處喚思鄉
人倚夕陽樓

程袞 一首

袞字補之休甯人洪武中舉孝廉授樂靖主簿

謁族祖墓

名都山水冠東南山削瓊簪水潑藍亂後松楸曾有幾葬來
甲子已逾三苔封祕閣新題碣竹護空林舊結庵纖雨疏風
寒食節梨花如霰柳毵毵

程彌壽 一首

彌壽字德堅祁門人明初從下江西有功授行樞密
分院都事有仁山遺藁

寄錢公濬

小樓獨倚聽潺湲林下陰濃白晝閒他日共君何處飲舉杯
相對九華山

王興 一首

興字文啟黃巖人洪武初濟南經歷

松雪軒爲海昌尤帥賦

元戎高致愛林邱背郭臨江卜築幽青松繞屋作人立白雲
滿山如水流漫有琴樽來好客可無簡策伴清秋居官何似
居閒好我亦誅茅碧海頭

陳雷 一首

雷字公聲嘉興人參軍秀民子洪武初薦授山西布

政司經歷有窳庵集

自城東復返感化舊居留別徐德厚

孤雲無定水悠悠又復攜書返舊邱
橡栗樹空猿叫夜蒹葭
霜冷雁知秋懶梳白髮頻搔首
笑對青山獨倚樓暇日清遊
可乘興到門題鳳亦風流

鄭洪一首

洪字君舉永嘉人有集

周元初來鶴詩

綠章朝帝駕雲車白鶴從天下
玉除赤壁已無身後夢丹邱
應有寄來書五鬢松陰秋落落
三花樹影夜疏疏琴心三疊
蓬萊淺雨翼罡風響風語

林旅一首

旅字汝衆長樂人洪武中用薦爲兵部員外

遊雙澗菴

翠壁晴嵐曉氣澄臨川高閣白雲層
天涯尊酒何人醉世外
名山此日登好鳥迎春偏勸客
空林向晚不逢僧扁舟要覓
漁郎去誰道桃源隔武陵

萬源去嶺...
 谷山北日...
 翠壁翻嵐...
 雲變開...
 林...
 中...
 員...

明詩紀事卷二十八

貴陽陳田輯

甲籤

李延興 二十七首

延興字繼本東安人占籍北平元進士授太常奉禮

兼翰林檢討洪武初屬典邑校有一山集九卷

靜志居詩話一山北方之學者其詩文頗拔俗長歌

尤擅場洪武中雖未仕於朝集有與友人書云從東

安丞李遂招致親夏楚事未幾逼為訓導又有移教

房山留別雄縣周尹詩又涑水縣學記云延興招致

蕭才代匱學職又自敘去洪武戊午永清劉宰招致

聲將軒同攝蕭房安尤靜
 作軍冕乎其才山丞擅志
 功出猶今鄉代留李場居
 成沙泥之學匱別遂洪詩
 寺獻漠塗人則學雄招武話
 已存萬然而其職縣致中一
 事蒲里一以典又周親夏未山
 卷二宮山聖邑自尹詩楚仕北
 八天盡元為者去洪武戊午
 日拓士墨矣故自贊永清劉
 白獲而上食夫今之祿而視
 開其總夫今之祿而視
 鴻名王歸詩則曰大
 濛遂使樓煩
 一

之壤化為冠帶衍為提封未免言之太盡無復一成
三戶黍離麥秀之思矣
田按繼本詩詞峯磊硯風格老成有拔山蓋世之氣
明初北平詩家當以繼本為開先詩綜蒐羅最備獨未錄
多其四庫提要云朱彝尊明詩綜蒐羅最備獨未錄
一山集良由四庫著錄以字行詩綜題其名偶不
檢耳

松下鼓琴圖

幽崖何蒼蒼長松在高岑月出屋東頭微雲生夕陰道人眉
宇靜松間調素琴商聲泛林莽流水為知音我欲往聽之青
山白雲深

墨竹

近時海內稱畫竹息齋筆意何突兀蒼然寫此風露枝墨花
落紙秋萬斛怪處不減文湖州展玩晴窗醒心目竹邊巒石

更坡陀便似着身遊嶰谷青谿過雨山霧寒白月出林煙水
綠葛陂老龍頭角禿夜嘯雲氣黑如沐白晝慘慄炎歊收展
書宜趁清陰讀我有竹林漢水西兒時學種如種玉春翠森
森抽細筍風碧娟娟散幽馥有客清似王子猷拄杖敲門往
來熟欲歸料理不可得夢遶江村白沙曲安得大絹長丈餘
請君為我作橫幅寫我只作六逸儔掛在秋風江上之小樓

黃崖寺

黃崖秀絕不可畫山際飛雲如走馬東來無此好雲林况逢
野衲同清話茶煙侵午客題詩松籟吹涼僧結夏人間塵土
誠污人何時息影禪林下

度居庸

歲莫矣風淒淒車中行客胡不歸一車南一車北南來北去
何時息車行欲近關上頭鞭牛不前吁可愁須臾摧挽在平
地車中兒女歡且謳短褐蕭蕭風雪裏山徑荒寒多虎兇呼
兒取火供晚炊瓦鐺黍米和沙煮黃昏露宿官道邊茅店雞
鳴載行李殷勤起謝車中人萬嶺千山多苦辛嚴風吹霜皮
肉死一身只有筋骨存安得筋骨化爲山下土填卻千山萬
山無險阻盡使行人免愁苦

福源精舍

京城六月日如火風軒散髮執書坐頓嫌城市多煩囂欲買
田廬何處可素几茶甌吹碧香有客敲扉偶相過爲言越中
好山水厥土膏腴不偏頗魏氏之子文貞孫玉樹臨風色瑳

瑳讀書澗水之東頭蒐今撫古以自課夏蓋湖光白湧雲福
祈山氣青浮座三江帆上暮天長八月潮平秋水大亭邊獨
猿長如人月黑林昏盜山果桃源人家疑此是洞口雲深晝
無瑣百壺滿醉江南春擊缶高歌兒子和西蜀少陵恒苦吟
南陽武侯尙高卧文貞昔在貞觀中大節堂堂不終挫好將
舊學佐朝堂行見英風振頑懦索居何日賦歸來盡理遺書
載輕舸我昔耕牧峴山陽門前水田足粳糯十年道阻不可
歸江上秋風茅屋破舊栽松柏定成林石牆竹梢添幾箇向
來耆舊安穩無每一思之淚交墮福源林壑儻見分卜鄰擬
住山之左客歸好語伸遠君歲晚寄書煩報我

題畫

山翠浮空初過雨山麓晴雲散芳渚霧合長林生曉寒人家
更在林深處澗泉六月翻松根石洞千年隱仙侶有誰共奕
橘中來無人問路桃源去白煙遮盡青林花野菽嫩香應可
茹清幽不減山之陰只欠蘭亭列觴俎誰乎寫此清而奇莽
莽雲山入毫格細看猶有遺恨處胡不著我山之墅我生本
是邱壑姿誤落京塵幾寒暑小時畊牧峴山陽間從野人學
種樹門前魚浦嘯竹禽屋上鶴巢走松鼠獨行採藥日暮歸
纔得芝朮一斗許縱令服食不得仙何若長年藝黍黍小村
秋晚雞正肥大甕春浮酒新煮老翁醉舞兒子歌笑語諠譁
忘賓主此樂不見十許年兵火煌煌照南楚思歸見畫萬感
生悵望風帆橫浦激時清卽好謝官歸全家移向山中住

贈杭州包知事與直

大府包從事才華早見收孤忠橫北斗清節照南州白雨江
帆暮青楓水國秋向來憂世意惟有淚長流

窗燈

窗燈搖影細城柝報更遙白髮愁偏重丹心老未銷雲陰籠
月薄秋氣挾霜驕歸思如江水滔滔逐暮潮

讀賈誼王粲傳

白髮悲王粲青春羨賈生萬言詞慷慨一賦氣崢嶸弔屈心
猶壯依劉恨未平懷賢坐長夜斜月半窗明

龐村

野曠煙花白林深露草香雷聲送雨過山氣入雲長遠水鷗

邊淨薰風馬上涼長亭無限好暫此解行裝

秋日山行

林路鬱迢遙村行野興饒
兩山青入屋一水白平橋
掃石收松子畀煙種藥苗
仙人玉質輩應向此中樵

舟次松陵

客路幾時盡愁懷到處同
斷帆衝暮雨短笛咽秋風
水碧沙雲白山青柿葉紅
莫言詩費日光動錦囊中

和友人韻二首

亂臣傾廟社禍本久胚胎
萬里金城壞平原鐵騎來
人心今日異天意幾時迴
痛哭英雄老淒涼臥草萊
月黑妖星現雲紅戰火燃
魯連終蹈海樂毅又辭燕
痛哭懷

明主匡時倚大賢那堪頻眺望白雁落霜天

宿嘉祕寺

寂寂青山寺千峯翠欲薰
禪林黃葉落僧飯白猿分
松磴吹晴雪柴扉鎖暮雲
悟窮清淨理莫遣世人聞

山中值雨

風雨連天黑關河入望遙
青山懷故國白首戀中朝
小市河魚上殘城野火燒
寄身岩壑裏生意日蕭條

和梅知府寄來詩韻

坐想親朋摧肺肝寄來尺素百迴看
虛窗琴冊塵埃亂匹馬關山雨雪寒
避地十年頭欲白去家千里淚難乾
酒壺爛熳堪謀醉強撥羈愁一盡歡

灤河

灤江天際來沙路連城白似雪山光過雨碧於苔夷齊餓死
修名在凜凜清風被草萊

春日紀懷

平湖水碧動晴天獨樹花明簇煖烟小白肥鮮堪饌玉嫩黃
新韭不論錢田園蕪沒從兒懶杯酒淋漓任客顛四海奔馳
厭塵俗百年蕭散愛林泉

和周尹韻

雨餘秋水遶新軒心迹雙清好莫言松寺尋僧陪鶴侶茆陰
對客數雞孫年光荏苒驚殘夢生事蕭條憶故園兵後故人

知好在那堪白首卧衡門

送翼主歸相州

千營兵氣黑沈沈關塞蕭條草木深蛇伏黃嵩噓毒霧鬼吹
青火出空林兒童老大不相識墟墓荒寒只自尋親在遠遊
煩愛惜書來應抵萬南金

贈時中

白首相逢寥落中失聲一哭暮途窮
窮
霏霏江草愁邊綠寂寂
宮花夢裏紅海徼歸心懸夜月柴扉病骨卧秋風
人情任逐東流水爛漫金樽莫放空

挽張及民先生

寂寞城南一畝宮百年遺響寄孤桐
巢由杖屨雲山外陶阮

生涯酒榼中 祠壁鬼燈然 夜雨墓門翁 仲嘯秋風招 魂不隔
蘆溝水 淚灑霜林萬葉紅

題萬松金闕圖

袞冕曾迎鳳 駕來煙沈金闕半 蒿萊霞蒸日氣紅 初上雲壓
松陰黑半開 玉井霆轟龍起蟄 虛窗笙響鶴飛迴 前朝事往
雲無迹 愁聽江聲入夜哀

山行

村村寺寺竹好水 水山山路遙 林鳥催人喚 酒野色隨車過
橋

題垂虹亭壁

金樽綠酒蕩晴空 花壓雙鬢舞袖紅 莫唱何戡渭城曲 銀箏

嗚咽怨秋風

秋聲

漠漠微雲生 曉陰滿庭虛 籟薄霜林有聲 元在無聲裏 聽到
無聲思轉深

凌雲翰 九首

雲翰字彥翀 錢塘人 元末舉浙江鄉試 除平江路學

正不赴洪武初 以薦授成都教授 有柘軒集四卷

四庫

其詩華而不為 靡馳騁而不離 乎軌今案集有宣德

中王羽序云 甫田陳狀仲提舉 浙路儒學政以文鳴

於東南 程以文聲譽與之 伯仲 柘軒 程門獲承

指授其里人 夏節作雲翰 行述亦云 早遊黟南 程以

文之門是雲 翰所師事者 乃程以文 而非陳旅 諸家

所記甚明 彝尊之言 未如何據 至謂其五言 如陪祭

作七言 如鬼獵圖 才情奔放 不可羈 約直可舉 郁離

之旗摩青邱之壘則品評頗當於雲翰非溢量也

題鍾馗圖

朔風吹沙日欲昧宮柳搖金梅綻藥終南進士倜然起帶束
藍袍靴露趾手掣硬黃書一紙若曰上帝錫爾祉蝟磔于思
含老齒頤指守門茶與壘肯放妖狐搖九尾一聲爆竹人盡
靡明日春光萬餘里

歸田詩話鄉文凌彥辨名雲翰號柘軒至正間以周
易經與士衡叔祖同登浙省鄉榜授平江路學正不
赴才高而學博為鄉黨所推一日來訪叔祖不在以
所和石湖田園雜興詩一帙留寄舍下數日子盡和
之及見大驚喜為作序文於前因是遂刮目相視且
嘆叔祖之不能盡知也繼以梅詞霜天曉角一百首
柳詞柳梢青一百首號梅柳爭春者屬予和之子亦
依韻和就大加賞拔予視先生猶大父行而先生不
以齒德自居過以小友見待每於諸長上前稱之不
容口喜後進之有人也洪武庚申冬為人題鍾馗圖

云云不數日為鄉人官於外郡者飛舉里胥臨門不
容辭避迫脅上路到京授四川學官遂成詩識在任
以乏貢舉謫南荒以卒歸骨西湖予送之葬有絕句
云一去西川隔夜臺忍看白壁瘞蒼苔酒朋詩友凋
零盡只有存齋冒雨來蓋感知已也

重過柳洲寺

買花載酒憶當年風景依稀最可憐彭澤有人歸栗里海波
何處變桑田聯拳鷺立枯荷雨寂寞鴉棲古樹煙幾度湧金
門外望居民猶說總宜船

雲門草堂為徐彥鍾賦

雲門寺近若耶溪溪上人家雲半迷秋雨正愁茅屋破春星
還傍草堂低白鴉谷遠松筠老碧藻坊深花柳齊何似南州
徐孺子故居新壁待重題

江山圖爲傅德讓賦

江上愁心曾有賦，煙江疊嶂偶成圖。丹青自可追小李，翰墨誰能繼大蘇。野店山橋吟杖短，桃花流水釣舟孤。人生適志眞名語，命駕歸來不爲鱸。

梅花清夢爲沈士敬賦

香凝燕寢宵未分，急雨打窗渾不聞。美人憶在湘江水，行路恍隔梨花雲。殘燈紙帳尙知我，落月屋梁疑見君。西湖東閣兩奇絕，眼中秋蟬何紛紛。

題畫二首

山風吹瀑濺寒雲，雞犬遙聞路不分。松下仙翁清似鶴，抱琴歸去禮茅君。

欲向春山訪隱君，野橋行過路纔分。上方樓閣應無數，留與閒僧管白雲。

溫日觀墨葡萄

風飄露灑一棚秋，路入滄江憶舊遊。憑仗金壺翻墨汁，老禪胸次有涼州。

宋授之遺墨

宋玉多才賦遠遊，曾拈彩筆寫清秋。西風吹斷南州夢，翡翠蘭苕總是愁。

鄭眞三首

眞字千之鄞人，洪武王子鄉試第一，授臨淮教諭，秩滿入京，遷廣信教授，引年歸，有滎陽外史集一百卷。

四庫總目真與兄駒弟鳳竝以文學擅名真尤以古文著初與金華宋濂聲價相埒嘗與濂共作裴中著存堂記真文先成濂為之閣筆後濂致位通顯黼黻廟廊真優寒卑棲以學官沒世故聲華闐寂傳述者稀今觀所作雖不能與濂竝驚詞壇而義有根柢詞有軌度與濂實可肩隨未可以名位之升沈定文章之優劣也濂實可肩隨未可以名位之升沈定文章之李鄴嗣甬上耆舊詩傳千之先生博極古今吳草廬嘗發策十二事對者十不得一先生年甚少為盡答之由是有重名嘗採撫鄉先生言行文章撰四明文獻錄後學稱之遂於經學以文名家詩亦清俊不愧田按滎陽外史

送胡廷幹歸松江

謫鄉壠畝慰幽栖物外遊塵不上衣自有阮生青眼顧也如江總黑頭歸秋風東海蓴鱸熟晚日西園柿栗肥自此不須談作客白鷗應許共忘機

題五河安淮驛遠碧亭

淮山遠送一螺青悄悄雲煙入杳冥檐外竹風醒鶴夢坐中花雨雜龍腥佩聲雜遶天仙下遂韻啣鳴水若聽使者船稀官事少石牀孤坐夜觀星

許繼十首

繼字士修甯海人洪武中台州訓導有觀樂生集

遜志齊集士修詩溫厚和平歸乎至理清雅俊潔出平天趣程邵之所存陶謝之所達沛乎其兩得之田按士修侯城畏友為之序其集銘其墓所作觀樂九詩宋景濂歎賞之以為不愧古人惜年三十七而卒未見其止集中五言趨步陶謝胸次既高非徒摹擬

禮與

世道日云降何人激頽流於時競靡靡去古良悠悠鴻鵠有

高志一舉橫九州籓籬自云廣燕雀方啾啾

夜坐

焚膏繼短晷坐此寒夜深不意片楮間乃見古人心曠懷浩
四海內視不滿襟山空霜月白猿鶴流清音

夏日雜言二首

炎暑寡出入幽室常懷人清風天外來澹然成主賓忘言自
諧意獨卧聊任真誰謂羲皇世乃屬柴桑民

濯濯思去垢不必江海流君看一勺泉淨涵千頃秋炎風塵
滿道胡乃從遠遊歸將散余髮笑卧雲林幽

四明山道中

山行入微逕險絕不自安始盤幽谷底復出層巒巔左倚干

仞壁右瞰萬丈淵石棧翳雲木洞壑號風泉飛流從空來飄
灑如雲煙下視不可極目眩心茫然仰茲名山秀靈境高中
天虛明日月戶上與列宿連便當攬八荒恍惚候飛仙躋攀
力雖倦曠望意乃宣夜寒山月白聊宿于公禪

度桐岩嶺

鷓鴣山月落旅枕鄉夢返迂途謝平舉首路指崇巘石門天
梯峻遙逐蒼崖轉谷樹碧雲深澗花紅露泣徘徊望故隱我
行亦未遠風景豈不佳羈懷自難展

夜宿淨土寺

月上山牖白風來石床冷山深氣如秋清景心獨領平生塵
外意幸遇人事屏誰令墜迷途趨暄乃違靜猿鳴幽谷口鶴

喉古松頂勝境難復留晨征度雲嶺
山行憩林下人家
暫登山上岡復憩林下扉入林坐蒼石黃葉飄人衣窮秋野
色改遙陰際寒暉悠悠嶺煙孤颺颺谷風悲情來欲何語興
盡自言歸帶索老忽逢因思榮啟期

懷友

高臺多涼風朔氣橫暮雲黃金與時盡駿骨為灰塵荒煙走
狐兔落日蔽棘榛感慨百代下誰是悲歌人平沙漫浩浩黃
流去沄沄遠遊諒已倦歸踏江南春

雪

山花寒不開庭雪曉還積江南十日春東風未相識蕭條新

柳枝清淺故池色日晏啟荆扉迢迢遲來客

郭濬二首

濬字士淵甯海人洪武中國子監生有樗園稿

田按士淵宋景濂弟子侯城友也侯城之交林公輔
也以上淵為介紹士淵嘗應詔言時政忤旨勅下國
子監讀書同輩忌其名以譖死侯城祭士淵文云昔
被薦書翺翔太學抗疏殿庭觀者瞻落欲收其功先
銜其銳斂而不施其聲愈揚在歲已未余從太史至
於京師閣下不施其聲愈揚在歲已未余從太史至
如子優辭采然辨奇子才稱之羣公予鮮朋友亦
史好士無所不察獨奇子才稱之羣公予鮮朋友亦
喜得子坐談千古大子起舞意氣之盛自謂無儔仰
首視天曠視九州之毒烏識否臧子之言行予
名無一藝天曠視九州之毒烏識否臧子之言行予
人無知之謗謂子狂紛紛矚觀此識否臧子之言行予
實知之矣一時毀譽何足喜悲觀此識否臧子之言行予
生平矣

題天光雲影軒

軒居俯澄碧高人謝煩喧
軒泉漱寒齒坐誦上世言
意息絕機想理融淨塵根
池樹忽微風天光蕩波痕
至道諒斯著自足窮本源
所以川上翁難與俗子論

題句容劉景行便面

山容變秋空夕氣暝高樹
索寞故人居雲蘿更深處
欲敘平生親何由拂衣去

劉剛一首

剛字養浩義烏人

田按養浩宋景濂門人嘗作明鏡歌鼓吹曲杜叔循書之詞翰雙美蘇平仲跋云養浩文辭有名縉紳間而此十二曲材雄氣昌辭與事稱有古作者之風胡仲子跋云潛溪宋先生為宋鏡歌傳頌縉紳間以為度越姜夔可追比唐柳子厚今剛此歌篇次體製皆承子厚之舊而才氣橫發音節鏗鏘則得之潛溪又

將追步其武而駸駸其前矣其為老輩推重如此惜今不傳

鶴林詩

鶴林羽士金門客舊闢丹房鍊瓊液
手栽千樹虬髯松坐對兩山虎頭石
白雲晝靜豁巖扉溼翠滿階生紫芝
瑤琴自奏澗湍響銀河直挂瀑泉飛
鼎鑪存火烹鉛汞靈藥成苗幾時種
皓鶴翎梳雪翳林碧桃花落霞飄洞
琳宮紫闕想蓬萊疊嶂連峰紫翠堆
丹光穿壁如紅日應有仙人騎鶴來

錢岳一首

岳字孟安吳興人嘉縣丞

寄鐵崖先生

老仙才氣輕韓李流落江南道不窮
野史欲藏神禹穴直書

曾上大明宮蘭舟夜蕩鷗邊月鐵笛秋橫鶴背風陶寫惟應
賴詩酒薦賢何必效山公

劉渙 六首

渙字彥亨紹興山陰人至正間授三茅書院山長道
梗不赴洪武中尚存

詩談會稽劉渙渙子績績子師邵金章紫綬祖孫相
傳三世名家
田按彥亨貢南湖壻故詩品略相近

秋晚溪行懷張孔叔

松下涼風吹客衣隔溪煙樹晚依依山空不見孤雲返日落
惟看倦鳥歸世上黃金交態薄酒邊白髮故人稀別來陡覺
成疏闊况復蕭蕭落葉飛

送王廷桂還姑蘇

紫馬嬌嘶踏軟沙闔閩城裏客還家雨添秋水灣灣碧風趁
江雲片片斜惜別緩斟紅麴酒傷心况對白蘋花雁驚暮角
南飛去先帶離聲過館娃

初夏卽事

野色滿庭戶晝涼清景佳一雙白練帶飛上石榴花

清明前一日作

小窗新綠着枝輕寒逐東風陣陣生燕子不來花落盡一簾
疏雨又清明

小游仙詞 二首

玉京侍宴返瑤池西母金輿九鳳幃小隊旌旛三十六龍聲

馬影隔雲飛

綵女香衣結翠纓瑤笙學弄鳳凰聲玉樓徹夜無人瑣十二

闌干月自明

袁宗彥

二首

宗彥名宗以字行松江人洪武中官王府長史謫滇
有菊莊集

憶錢塘

十載飄零客路賒錢塘無復覩繁華六橋楊柳林逋墓一樹
棠梨蘇小家山徑翠輿湖上出樓臺畫鼓月中過如今縱有
金如土坐聽荒城咽暮笳

春曉口占

東風翦翦柳毵毵欲試羅衣尙未堪怪我春來愁不醒杏花
微雨似江南

東風陣陣吹綠柳
 燕子剪剪剪輕盈
 春來不顧杏花
 雨後不顧海棠
 花開不顧
 人面桃花
 相映紅
 人面桃花
 相映紅

明詩紀事卷二十九

貴陽陳田輯

甲籤

王諫一首

諫字元貞黃巖人洪武辛亥進士授戶部主事終太
平知府

公退述懷

華表僊人舊姓丁羽毛今日惜飄零眼中不見蓬萊淺門外
空憐柳樹青暮雨朝雲翻覆手落花飛絮短長亭如何旅店
黃梁飯催促英雄夢未醒

王敬中一首

敬中鄞人洪武辛亥進士授刑部主事終參政

送友人赴廉州

烏府才華羨獨賢北風又上孝廉船篋書尚有陳琳檄行李
都無子敬瓊帆影曉分湘浦月珮聲晴拂隱山煙壯遊萬里
須乘興好著聲名到日邊

林谷顯 一首

谷顯長樂人洪武辛亥舉人官沔陽知州

西湖

極目睇西岑楓林杳何許暝色入高樓湖山正煙雨遙憐春
水至鳧雁滿芳渚少待風日佳扁舟共容與

馬德華 一首

德華名英以字行福清人洪武辛亥舉人泉州同知

田按德華在明初有詩名徐泰明風雅錄德華詩不知其名余從徐興公晉安風雅得其詳

蜀山圖

翠壁蒼厓峭入天雨餘芳草帶春煙錦江東去夔門險劍閣
西來鳥道懸丞相舊圖砂磧裏文翁遺廟夕陽前回看匹馬
經行處似有猿聲到耳邊

黃雋 一首

雋字文偉莆田人洪武乙丑進士授樂昌縣丞謫戍

以薦為興化訓導

蘭陔詩話黃雋號玩茶生學行醇粹家居綬溪詩得山水之助

題壺山別意圖送禮曹兄

征車不停轂逝水無迴波人生泛萍梗離別將奈何青山夕
鳥遠碧樹晴雲多對此易感慨莫遣歌驪歌

張庭蘭 一首

庭蘭澧州人洪武乙丑進士授審刑司詳議擢大理

寺少卿遷左都御史

龍門山

何年鑿此混沌胎赤鯉躍出龍門開千尺高崖宿牛斗一泓
碧水藏風雷歛陽六月焦下土河伯飛來共龍語願將一滴
瀉天瓢明日人間三尺雨

歐陽貞 一首

貞字元春分宜人洪武初鄉舉授考城主簿以老歸

後登乙丑進士有龍江叢稿餘學初集貧樂集

江西詩徵元春揭傒斯門人工古文精易學

題贈一軒

十載追隨駕鷺班九重宮闕拜龍顏歸來卻似香山老吟弄
寒流八節灘

任亨泰 一首

亨泰字古雍襄陽人洪武戊辰第一人及第授修撰
歷少詹事擢禮部尚書以事降御史未幾免有遺稿

二卷

雙槐歲鈔洪武戊辰會試以蘇伯衡及李叔荆為者
試官得京闈新解首施顯為第一人謂傳臚必復叶
上夢矣及取狀元乃監生任亨泰也寵遇特隆有旨
命有司建狀元坊以旌之聖旨建坊自此始也亨泰
月寺已真卷二十七

襄陽人為修撰每召建議即賜手詔書襄陽任而不名尋與黃子澄並拜詹事府少詹事仍兼修撰已而擢禮部尚書奉使交趾後左遷監察御史十三歲時嘗題扇面云杲日初升萬木低畫船撐出小樓西先生正熟朝天夢門外山禽莫亂啼其貴達也人以此詩預占之

舟次匡廬寄同朝諸公

翰墨同時集禁闈恩榮宵謂及寒微舍人舊掌絲綸誥御史新裁錦繡衣天上鴛鴻還接武江邊鷗鷺已忘機他年行部如相見秋水蘆花是釣磯

陳時舉 一首

時舉字邦獻上虞人洪武戊辰進士刑部員外郎

題春景

煖風沙路不生塵水色山光雨後春應是白雲深谷裏閉門

高卧有閒人

俞永 一首

永初名允字嘉言松江華亭人洪武甲戌進士授行人改楚府紀善遷魯山知縣入為禮部主事遷員外郎謫長沙通判有春曹詩藁

松江府志嘉言少好學與袁海叟陶宗儀陸達夫陳主客伯仲結詩社呼為小友其山居詩有池草生新句禽言得異名青蛇作龍匣底鳴剪取吳江千尺水達夫嘗稱之曰俞子穎秀咄咄逼人

題倪雲林畫

青山隔橫塘疏樹散幽徑山中人未歸閒亭秋色暝

陳郊一首

郊字安仲一字叔恭閩縣人洪武丁丑第一人及第

授翰林院修撰

俞憲登科考洪武三十年丁丑廷對之士五十一人擢陳郊第一既而北方舉人下第言取士不公上閱所取多南士疑之詔考官劉三吾及郊等皆下獄命翰林儒臣重閱落卷得六十一人皆山東山西北平河南陝西四川士也郊閩人精數學就試之日謂所親曰今歲狀頭當刑奈何已而果然事得之聞父老云

題漁隱

投竿非取魚孤榜一乘興清風松際來落日鳥邊暝坐對忘機時波空釣絲冷

明詩紀事卷三十

貴陽陳田輯

甲籤

胡子祺一首

子祺名壽昌以字行吉水人洪武初以文學舉授監察御史出為廣西按察僉事改知彭州遷延平知府

晚過湖口望廬山

西望匡廬隔水涯羣峯削翠出雲霞巖前瀑布千秋雪澗底菖蒲九節花董奉宅邊丹井在康王谷口夕陽斜南湖咫尺還鄉路卻歎經行不到家

宋杞一首

杞字授之錢塘人舉至正壬寅鄉試洪武初以考禮

徵授全州知州未至道卒

田按授之與唐處敬同舉處敬稱授之通易邃史學兼工畫處敬題所畫扇云六十無成白髮俄將紫綬換青衫衡潭一去無消息襄骨歸來有阿咸十一年前共榜名又向召命入南京只今零落丹青扇正似山陽笛裏聲凌彥翀亦有題宋授之遺墨詩云宋玉多才賦遠遊曾拈彩筆寫清秋西風吹斷南州夢翡翠蘭苕總是愁

趙彥徵畫

遠山入空青老樹擎寸碧近山接平坡鑿鑿見白石兩山盡處歧路平松林漠漠烟如織清溪疑自天目來鷗鷺飛起無纖埃有人曳杖過溪去渡頭古屋誰為開玉堂學士畫家趣蕭灑文孫傳筆意風塵滿眼何處避安得向此山中住

季應祈一首

應祈詩見慎蒙明詩雜集

小齋

蛛網挂空山雨晴溪頭水煖釣絲輕小齋無人白日靜卧聽隔林雙鳥鳴

范宗暉二首

宗暉名以字行甯波人

田按錢仲益送宗暉赴雲南從軍詩云明年上京都聘充戚里賓我亦被薦書謁選拜紫宸繆居容臺屬幸得聯朝紳與聞復聚首相見不隔旬夫何事難告別何躔從軍赴溟陽西去逾峨岷宗暉蓋以戚里賓客牽連謫滇者沐景頤錄其詩入滄海遺珠

閒情

月言系三卷三十一
齋居無俗尚自愛適幽情風定樹陰合雨餘泉脈清枕書雲
伴卧步屨鶴隨行曾與鄰翁約朝來共析醒

和僧中庭韻

平公卓錫滇海南出世有如優鉢曇庭前松柏曾手種堂下
玉板容我參談禪直解心即佛從師獨見青出藍隨身一瓶
與一鉢碧山為伴雲為菴

林敏四首

敏字漢孟長樂人有青蘿集三卷

田按漢孟別號盤所道人林子羽詩弟子詩在二玄
之上不入十子之列可謂不幸竹垞靜志居詩話謂
閩十子外能詩者有林漢孟而詩綜不錄一字余亟
錄四詩以補其缺

江上送鄭山人

祖帳送離人勞歌暮煙裏暝來江上宿殘日照寒水清尊醉
落花孤棹依蘆葦雨翳燈影微風兼笛聲起後夜有相思緘
書寄雙鯉

天王寺

珠宮隱上方載酒一乘輿雨歇瀑水涼雲歸古松暝忘機野
禽狎發詠山鬼聽坐對月上時空山響煙磬

登宿雲臺得外字

香刹辭世氣况同野人會寒巖結暝陰古殿藏深翠目極遠
空半興落飛鳥外日暮惜解攜相看嗒然喟

期宗人林大遊華藏海

巾舄行歌接梵筵偶來松下草芊芊也知只在秋雲裏潭水

溪花到處禪

李伯葵 二首

伯葵廬陵人有集

田按伯葵詩集楊東里序云噫乎金石之和瑯乎佩玉之清邈乎興壽之遠渾乎古意之存推挹甚至惜今不傳余從徐泰明風雅錄詩二首伯葵子昌祺為永樂間名臣能詩信乎淵源之有自也

擬顧彥先贈婦

人生有離合日月有弦晦豈為百年間如何長歡會與子相遇來私情託中饋既感殷雷篇復陳雞鳴戒傾耳聆德音禮章素攸佩于茲遠行役結纓奉王事沈懽變憂戚哀鬱傷五內吳越既阻修伊洛互縈帶漫漫雲山側杳杳川梁外絺綌淒以風軒車展其蓋離思云滯淫誰能不悲慨于役有歸期

芳年恐難待

代答

唯薦與女蘿施于松柏枝雖云異根植性合終不移託身在君室容德實我儀琴瑟日在御宴樂及良時方茲駕言邁邁車載驅馳豈無室家念君命安可違握手一長嘆淚盡情淒洏起視明星爛杳杳夜何其綢繆結衷曲豈復在斯須風塵徧京洛勿使素衣緇委身殉國恩功成復來歸妾守梵獨志願保終惠期莫以容華晚恩愛爰色衰采葑及下體式副君子詩

劉仔肩 五首

仔肩字汝弼鄱陽人洪武初應召至京

四庫總目雅頌正音五卷明劉仔肩編仔肩洪武初因
 薦應召至京集同時之詩為此書上所選之詩每
 子凡五十餘人而仔肩所作亦附焉所隨錄故
 寥寥數首蓋是時諸人之集皆未成編藉以略存
 未概其時武功初定文治專興仔肩者頗藉以略存
 梗概其時武功初定文治專興仔肩者頗藉以略存
 免溢美要其春容諧婉雍雍乎開國之音存之亦足
 以見明初之風氣也
 田按汝州縣雅頌正音宋景濂張孟兼皆為之序其
 應召至京以陶主敬薦當時名輩重之如此觀其所
 作音調鏗鏘時露新穎附名風雅良不虛也

春日與李二文學游城南

浩蕩關河遠周流歲月新
 獨醒愁對酒多病怕逢春
 楊柳城南路鶯花紫陌塵
 若為聯騎出為爾謫仙人

公子

玉堂諸公子聯翩出鳳城
 柳橫絲障綠花擁繡衣
 明玉勒迴

新騎金丸落小鶯
 晚酣邀上客歌吹向蓬瀛

別墅晚晴

郊原初雨歇散步出荆扉
 落日在高樹涼風生客衣
 佛香僧舍近江影塞鴻飛
 亦有南鄰叟忘言相與歸

夜讌

上相勳庸盛羈人會合難
 昔曾陪劍戟今乃廁衣冠
 酒向佳人醉花隨錦障看
 篆香瑀鴨換銀甲小箏彈
 內屋開新色重簾護薄寒
 旨肴呈海陸妙舞播椒蘭
 賢達儕梁苑才華擬建安
 任情從容狎劇飲樂杯乾
 門第青春迴星河五夜闌
 歸鞍拂華薄零露已溥溥

荆南江晚眺有感

沙頭寂寂晚維舟詞客重來感舊遊江上夕陽諸葛廟雨中
芳草仲宣樓天連錦水來春色雲暗襄陵起暮愁回首可憐
梁甫意一官牢落向南州

許中麗 一首

中麗字仲孚汝南人

田按仲孚輯光岳英華自一卷至三卷唐人詩四卷
至十卷元人詩十一卷律詩十五卷明初詩王漁洋云
此集有揭軌序云分律詩歌行凡若干首今本僅七
言律無歌行或非完書矣然卷帙與焦太史國史經
籍志合豈焦氏所據即此本而歌行久軼不傳耶自
有宋歐梅蘇黃已後律詩多變體求其抑揚抗墜有
唐人遺音者百無一焉許氏此編由極變而返之正
不為無補未可盡廢而使無傳也今檢四庫存目
亦十五卷與漁洋所見之本適合仲孚詩不多見特
存其人以為好事者勸焉

丙辰冬過中京書事

鳳凰城闕紫霄間歷數有歸王氣還舊說圖書符洛邑新瞻
玉帛會塗山太平有象耕桑盛邊奏無聞甲冑閒自古賢才
躋盛美願歌天保答龍顏

顧田 一首

田字九疇甯海人有耕雲集

田按九疇過楓橋即事詩老翁杖策秋樹根笑看兒
童拾紅葉殊有畫境

桃源夜坐思親

西風淅淅吹窗櫺中夜起聽心獨驚一葉兩葉梧桐落三聲
四聲更鼓鳴玉露寒欺客衣薄冰壺冷浸秋月清我為思親
苦無寐孤吟坐待東方明

林原縉 一首

原籍字居恒太平人

三台詩錄林居恒詩酒優游不樂仕進與邱慎餘何東閣等九人會里之花山修白香山故事稱花山九老有唱和詩

遊花山分得日字

端居離垢氣頗覺飛興逸笑逐香山老來叩維摩室杖策徐
徐行蘿逕深深入山僧留我坐烹葵事筵席世慮澹相忘塵
囂詎能逼永結逍遙遊何妨效真率

邱海一首

海字慎餘黃巖人

三台詩錄慎餘少年負才喜俠遭亂避地往來九峯泉溪之間詩格老而益進與花山九老

赤壁磯阻雨

風雨晚來急長江生暮愁亂雲迷別浦駭浪蹴孤舟薄命常
為客羈懷不耐秋天涯思無限浩渺付滄洲

陳川一首

川天台人詩見三台詩錄

米元暉茗溪春曉圖

扁舟昔過江南道兩槳吳歌弄春曉野水蘭苕月微低滄洲
白蘋風不悄閣晴水氣盡冥冥破暝雞聲殊草草人煙蒼莽
隔朝墟鷗夢微茫墮湖島輕花吹送客櫓遙羣鳥驚翻曙鐘
早初陽忽露何處村曲折青林山寺小見圖歷歷舊所遊白
髮摩挲愧幽討前身恐是杜牧之題詩解寫江南好

程用晦一首

用晦字明遠休甯人明初以明經舉不就有清隱藁
和彥珍韻

閒來遙憶隱君鄉門擁荒山帶夕陽苔暈旋添蒼徑滑松陰
時轉北風涼高懷君軼朱仁軌癡性予慙顧長康何日相從
陪夜話石鱸湯沸紫茸香

劉琮玉一首

琮玉字潤芳鄱陽人有清華集

答陶友靜

寒山陶處士冰蘖自為心石徑幽花瘦茅檐翠蔓深卧聽鶯
囀樹閑數鵲歸林不到芝城久春來為苦吟

章喆一首

喆字子愚新喻人有南閩山稿擊壤遺音江湖漁唱

集

江西詩徵章喆號雲岑山人梁石門門人博學工詩
絕意仕進

寄永豐習韶

長嘯空巖叟蕭條生意疏白頭淹筆硯青眼賴妻孥竹徑隨
風掃蔬畦帶月鋤相知惟習老音問數年無

徐顒一首

顒字伯昂上虞人

野航

軒居瀟灑構來小望中艇子渾是真任渠水長過三尺添箇
客來容幾人興阻泛雪剡溪曲夢驚泊雨湘江濱宦遊誰道

類萍梗暫托爲家棲此身

題山水畫

秋雨蒼苔路不分石林茅屋掩斜曛高人一去無消息依舊

青山護白雲

葛貞一首

貞字元良上虞人有悠然集

月夜寄友

浮雲淨虛碧涼月上東嶺散髮步南軒徐徐踏清影寒蟬動
階除倦鳥投林暝感與時序遷日月不我永豈無嶧陽琴苦
乏知音省題詩寄同心搔首空引領

舒壽童一首

壽童字里未詳詩見黔甯集

獻西平侯詩

昭代挺英傑千載應昌期秉鉞清西南恩威浹羣夷濟濟旌
旗明堂堂號令施清風滿遙甸生息皆清熙上副宸衷眷下
慰飢渴思鄙人萬里來欣得瞻葆旗何以訴私懷拜手陳此
辭

蕭規一首

規字元則其先楚人明初徙居吳江再徙蘇州有湖

山樵寓集

姑蘇志元則學長於春秋毛氏詩讀書樂道不求祿
仕人稱竹園先生

雪篷圖爲吳淞蔡子堅作

吳榜何年過東浙帶得山陰一篷雪春風浩浩吹不消夜月
娟娟照偏潔雪篷主人自好奇載客日遊隨所之呼酒恆持
金鑿落對花自品玉參差啣啞柔櫓渡湖曲驚起鴛鴦不成
宿汎汎斜當橋樹移搖搖直傍星槎逐權歌齊發聲抑揚高
情獨昵水雲鄉從遊酬醉誰最密儒雅人稱馬季良

邢沂一首

沂字師魯金華人

田按沂一號雙巖處士洪武初應詔辭歸楊東里稱其詩思清氣完如歲寒松柏挺然蒼翠可玩

遊三洞

千盤百折行犖确十步一坐聽潺湲懸崖削碧一天豁古洞
闕黑雙龍蟠雪竇流泉白石凍冰壺挂月清秋寒朝真仰探

指木末忽覺兩臂生羽翰

林右一首

右字公輔臨海人洪武中中書舍人進春坊大學士

以事謫中都教授有林公輔集三卷

田按公輔與侯城友善侯城懷舊詩云雄文不見林
公輔病眼荒荒何處開公輔巾山草堂記云壬戌七
為豪傑之士先侯城死侯壁林公輔陳元采夜登巾
月之望子借葉夷仲張廷壁林公輔陳元采夜登巾
山絕頂飲酒望黃樓觀土定國諸公登桓山吹笛飲
昔蘇子瞻夜登黃樓觀土定國諸公登桓山吹笛飲
酒乘月而歸以為太白死諸君皆大笑計其時忽十
子瞻死三年後所無也諸君皆大笑計其時忽十五年
侯城作記時正洪武二九年也紀革除事者謂永
樂時召公輔不赴械至京嘗讀杜詩忽然悟曰古人
廷慎詩云廷慎在鳳陽時嘗讀杜詩忽然悟曰古人
之高乃在是矣遂斂其平日所作感興
年不作一詩一日呼童子研墨甚急大書所作感興

月詩已事卷三十

十

詩極其宏壯時江西南劉子憲以詩自負見而嘆之曰
是子且來逼人矣後廷慎與余相見秦淮上誦夢余
詩云少時結交友悵長憶君何其夜來夢復接平
生親握手步雲閣示我高世文渾雄脫凡近要妙幾
通真余嘆曰吾豈文士也耶公輔集中又有序孫惟
學詩云今詩獨盛於吳吳之詩獨推高公季迪有高
公之學者孫惟學氏其詩迴視高公今廷慎詩集不
傳而孫惟學者知其名者鮮矣附記其敘論於此庶
不沒文士之苦心也

琴操 二首

雲間曹伯簡氏號曰古村民名其居曰古村居余作
二操以遺之風月清霽援琴而寫之庶乎其無懷
氏之鄉乎抑葛天氏之民乎

朝出遊兮水滸采盈筐兮蘭杜振余佩兮繽紛念夫人兮遂
古遵皇路兮怡怡笑舞何方變兮厥茲多戶歸來兮無失我

宇

月泠泠兮在牖步廣庭兮無聊慨往者兮不再拂吾琴兮聲
颼颼際無始兮太羹元酒羌衆聲之雜選兮於吾心其何有

胡温一首

温字遵道會稽人

林公輔集胡風子名温少落魄湖海間晚入閩温好
飲不常得人方具飲温不問主客即往造飲引盃大
釀不謝而去出行市間羣兒逐之呼曰風子温亦顧
而自笑夜宿古廟遇寒冬甚雪穿布單衣履草履人
遺之以笑夜宿古廟遇寒冬甚雪穿布單衣履草履人
漳守迭里迷祠酌水而祭之日衆之嘗過元忠臣
死名長在此萬歲千秋元之臣子拜已大笑而出著
書名曰竹帛流芳載元之忠臣義士并貞烈女敘其
故系之以詞類鏡歌輕重皆有深意温之爲人可知
矣

喜鵲歌

閩山喜鵲少越山喜鵲多如何不歸去其如羅網何

林公輔集胡温聞漳帥徐玉喜士甚特過其家玉召飲同官即命從者設饌以待已而温至或歌詩或起舞或慢罵其同官玉不厭也一日告玉曰我將歸矣負囊行三舍為關者阻而回發囊中止有古硯贈諸所往來曰爾可與吾沽酒而死按温歌曰聞山喜鵲一絕歌畢即飲日仰臥而死温歌曰聞山喜鵲少言不歸去其如羅網何言久留於此恐罹禍也

危德華一首

德華光澤人詩見明風雅

懷仙詞

玄都昔謁紫陽君夜讀丹書玉洞文春雪樓西坐明月鳳簫

吹落萬松雲

黃褰二首

褰字仲褰文江人

田按仲褰有寄黃玄之詩當亦洪武時人也詩見明風雅

秋夕寄懷異上人

老僧住處沃州山杖錫時獨往還身奇野雲浮世上心隨海月到人間草堂夜永禪俱寂竹院秋深鶴與閒更憶翻經雙樹下衲衣應染石苔斑

南閣病中兼寄黃玄之

水國南頭晝掩扉衰容垂柳共依依雁來高閣春歸盡雀下閒門客過稀對酒花枝憐獨卧盍簪芳草念多違憑君為問清吟處何日相從賦采薇

周谷賓一首

谷賓蘇州人

田按谷賓詩見明風雅鐵網珊瑚一作蘇州人一作雲間人余檢王琦寓圃雜記云吾鄉甫里周谷賓有學之士跛一足自號跛樵則為蘇州人明矣

與趙宗禮乞瓢

匏星墮地不化石生出天瓢奇絕倫癯形肖鶴引長頸枵腹
類壺藏古春箕山曾遭許由棄陋巷卻與顏回親緣知溲落
難為用乞與甘貧飲水人

邵光祖一首

光祖字弘道蘇州人

秋興

牢落江湖不計年擬尋歸計面林泉山間買地多栽橘谷口

誅茅學種田晚節許同樵牧老遺書更得子孫傳秋來喚取
陶彭澤紅葉黃花酒似川

游壑一首

壑字文固閩人詩見晉安風雅

送蘇秀才

西風孤棹獨南還行李栖遲歲欲殘尊酒且同江上醉別情
偏向客中難驛程露下砧聲早澤國秋深雁影寒歧路暫時
分手去相逢期在白雲端

